



07187

北隅續錄卷下

普濟堂


普濟堂在武林門中正橋東嘉慶十七年四月浙江巡撫高杞撰記曰普濟堂之設昉於京師恭讀

聖祖御製碑記好善輕施乃良民之美行卹災拯患實盛世之休風創建雖肇於都城效法期及乎寰宇再讀

世宗諭各省督撫轉飭勸募好善之人於通都大邑人煙稠密之處照京師例仿而行之仰見重熙累洽

北隅續錄卷下

久道化成凡在熒黎均邀覆庇浙省普濟堂始自嘉慶元年山陰監生高宗元購地於武林門之中正橋東七年復資建屋前撫軍阮公創捐經費旋去浙事寢歲庚午今陞兩廣總督蔣公撫浙籌議舉行惟時布政使廣玉廉使陳觀署廉使韓克均署杭巡道彭人傑杭巡道李坦各捐廉爲倡而巡道李甫涖任銳然期於竟成在籍葉農部道傳首事捐資各紳士聞風慕義咸樂輸助由是甌業請於鹽政按引輸費長安米商請捐米釐年以爲常其款置田產收租外餘則發典生息綜計歲入可萬餘金以所入之多寡定





收養之人數遴舉葉農部與紳士丁燾金泰顧厚餘  
吳印心顧芳嶼朱嘉猷王子純沈炯等董其事經營  
半載措置盡善一切餘款悉由杭巡道會核施行辛  
未冬余來撫浙聞其事與鹽政蘇公藹然興同善之  
思因詳核歲費商勸續捐以籌久遠夫斯堂創始以  
來歷數十寒暑規模備具蓋經始若斯之難也而余  
克觀厥成焉豈非厚幸哉先期偕同官詣堂周視屋  
舍器具纖悉皆備乃卜吉正月二十七日開堂衰老  
貧病悉就收養量其經費暫爲定額三百人續有捐  
資將增廣焉且復設醫藥建義塾施棺木掩暴露皆  
附款堂中又杭城舊有育嬰卹養義渡藥茶放生諸  
善舉捐輸各款亦詳定並歸普濟堂事宜在案同列  
普濟名目以見所濟之普也至若水旱不時儻形災  
歉我

皇上恫瘝念切立沛 恩綸蠲賑兼施自無一夫失  
所又豈藉此堂區區之惠哉而此堂旣設足俾無告  
窮民同樂餘年於太平之日以宣布

皇仁者亦不爲不多矣余忝守土之責嘉善政之成  
爰綜顛末而爲之記按李公諱坦字宇泰一字平山  
四川重慶長壽縣人乾隆四十四年知富陽縣調烏



程擢東海防同知台州知府丁外艱服闋授甯波知府調杭州丁內艱起復選山東河南等知府嘉慶十五年擢杭嘉湖道任海防時築魚鱗石塘六千餘丈物堅工完潮汐不爲患嘉慶九年久雨穀貴請大吏齎庫銀三十萬入蜀次年運米回市價乃平獎率紳士建普濟堂鰥寡賴之十九年五月卒於位葉省三農部道傳集選句以頌云濟治由賢能龕暴資神理欲濟川無梁遠圖因事止嘉慶七年曾建堂基未及舉行夫子茂遠猷卽事旣多美迴跡清憲臺橫流賴君子借問下車日藹藹卿雲被臨川哀年邁聯翩何窮已孤客傷逝

北隅續錄卷下

三

湍豈意事乖已乃在城南端出沒眺樓雉

堂鄰武林門翦

棘開舊畦朱紱威髦士

委紳士董其事

義心多苦調瑩情無

餘滓隨風開我堂結言固終始

定規則二八條垂諸久

一言分

珪爵職事相填委

公捐廉委紳士代購堂中義地

兼抱濟物性惠心

奮千祀宣遊宏下濟翻飛浙江汜德禮旣普洽淑美

難具紀持此感人多凝露方泥泥廣廈構眾材受恩

良不訾積善有餘慶協心毗

聖世清風激萬代眷言懷桑梓不能歌德聲載筆陪

旌榮高氏宗元字伯陽號魚亭嘗以京師江南及本

省嘉興皆有普濟堂澤被桑梓而杭州獨無遽倡捐



買隙地十餘畝於武林門內桐井巷隨投牒撫軍吉公慶乞諭勸離商等建蓋屋宇以棲止無告者公頷之尋陞任兩廣去事遂寢君扼腕曰此豈儒衣冠者所能辦哉乃潛削髮走京師乞其友吳祭酒錫麒爲募疏遍謁諸貴人陳說懇切朱文正公珪笑謂曰此固儒者事也盍反初服當爲徐圖之居數月寂然會兩弟又東廣鏞聞之恐以是得罪急遣所親數輩入都促君還君亦念重爲兩弟憂竟反初服歸里益憫然不樂未幾阮公元來撫浙君復投牒如前公高其義方與鹽院延藩司劉籌畫所出君以爲躋足可待

北隅續錄卷下

四

也乃棄前購地復捐貲買舊宅基十畝於中正橋大街以次建碑亭門堂軒室廚溷若干間規模初備阮公親至閱視者再手書孝義可風四字以旌君并捐銀四千兩助堂中經費明年歲大祲卽堂中爲粥活餓者不數月銀垂盡阮公亦以憂去逾二歲復任未久又內召故迄無成功嘉慶十四年今撫軍蔣公攸銛蒞浙君復陳建堂始末公雖以爲然而費鉅不可猝辦會十五年秋有戶部郎中葉道傳獨輸銀五千兩朱嘉猷金泰吳懿善顧澐共輸銀五千兩而嵯商等又請於引上酌加每歲輸銀六千兩於是堂事



始什成入九君聞之喜曰不意十餘載之盡精厲氣  
乃竟不負乎撫軍以首倡自君一以堂事委辭不獲  
竟以勞致疾卒時辛未七月四日也年七十有三丁  
氏燾字曙天號雙湖錢塘人乾隆丙午舉人官河南  
太康知縣奉諱歸遂不出生平重然諾樂施與里中  
義舉無不量力行之繼之者爲仁和王氏錫字心如  
家素饒力於爲善城中有義舉必推董其事貲不給  
出私財益之不惜也司普濟堂中事實心實力擘畫  
盡善凡義塾掩埋施衣施藥條規井井其歿哲嗣安  
伯員外表遵守成規至咸豐庚申之劫方已劫後又

北隅續錄卷下

五

三十年矣近俞太史樾撰重建堂記云杭之有普濟  
堂蓋自阮文達公撫浙時始踵而成之者蔣撫軍攸  
銛高撫軍杞李觀察坦及里人高宗元與丁燾也庚  
申辛酉之亂堂毀于兵大亂既定百廢粗舉而普濟  
堂於是乎復建則又創始於蔣果敏公而高都轉卿  
培李司馬國賢與郡紳丁君丙實左右之先後六十  
年間四姓適相符合杭之人咸以爲奇先是堂中可  
容千人嘗鐫蘇文忠高堂會食羅千夫之句於怡安  
堂壁及其復建也則當事者鑒於前此圍城中絕食  
之厄割堂之南隅地數畝增建義倉而堂基遂狹於



前乃於堂之右購孫氏屋地以裨益之而堂中規模亦日以美備養老之外曰棲流所曰醫藥局以待羈旅之貧且病者曰接嬰處曰卹災所以全活嬰倪更權濟燕餘之窮民曰正蒙義塾則教育孤寒子弟而清節堂乃仍舊貫而更擴之凡此條例皆丁君暨其兄申與徐君恩綬林君一枝高君光煦斟酌損益以臻厥成丁君綜理省會善舉靡不井井而於普濟尤盡心焉籌墊巨款至數萬金堂中之就養者五六百人堂外之待以舉火者千有餘戶僉曰不再開拓將不足以容乃又買東銓第沈氏故址若干畝爲將來

北隅續錄卷下

六

增建屋宇之地自此堂基益廣堂規益宏不特千夫會食可復當時之盛或且倍蓰其舊不難矣上以副聖天子子惠困窮之意下以盡吾儒吉凶與民同患之義豈不懿歟堂在仁和義同二圖及前衛右所凡爲地約四十餘畝夫善作貴乎善成而能創期於能守不有記載後無徵焉余主西湖詰經講席垂三十年粗習杭事故因孫君樹禮之請記其大概而勒之石道光三年四月撫浙使者帥公承瀛棲流所視遠如邇堂記曰今

上御極之二年冬十一月以恭上



皇太后徽號禮成 錫羨敷天仁霑恩洽雖在惇獨  
老疾無告之民亦 諭令地方官酌設棲流所以資  
居息無有遠邇俾得咸遂其生浙之士商好義者請  
於官度地庀材共成是舉旣蕝事乞余顏其堂夫宣  
上德達下情守土者之責也鎮撫之未能以致境有  
流亡又無以安集而鞠謀之益重其過也余旣嘉士  
商之見義必爲以善承 德意又幸有以佐長民者  
之拊循所不及也爰濡筆以書之所在百歲坊咸豐  
辛酉廢於兵燹同治閒移就普濟堂側購孫氏屋地  
營造中爲恆善堂額乃松氏筠書進則分永康長樂

北隅續錄卷下

七

益壽延年左右八號每號三閒牀幃几榻藥爐茗椀  
位置周妥萍寄室中更附殘疾房十七閒皆隸於普  
濟堂司理昔人詩慣寓無家客頻施有效方可爲斯  
地聯之清節堂亦附於普濟堂旁嘉慶丙子仲秋錢  
塘章煦題額省垣內外寒門舊族青年素節者相率  
處之提攜兒女至成立方出堂舍三十餘閒衣食器  
用咸備無缺守節年限台例彙報請 旌中有道光  
二十六年四月巡撫梁題 旌仁和葉德恆妻張氏  
同治十一年九月十五日大婚禮成

恩給在堂八十歲以上老婦鍾樓氏金汪氏祝鄭氏



三口粟帛光緒十年五月巡撫劉題 旌仁和孫寅  
若之孝女又題 旌錢塘林廷秀妻黃氏仁和黃燾  
妻張氏十六年三月巡撫崧題 旌錢塘陸榮妻王  
氏十八年閏六月護理巡撫劉題 旌錢塘宣正德  
妻陳氏節孝各匾並懸廳事先是鄒叔元教諭志初  
賦清節哀樂府云青春百鳥鳴高枝鵲鵲比翼相追  
隨罡風忽攫雄飛去滿地哀咽嗚孤雌嗟哉節婦節  
淚盡心頭血共命無巢腹忍饑張口呀呀向誰說玉  
環楊寶世所稱合謀樓託情共矜不使冤禽沈碧海  
聚將寡鵠守青鐙青鐙照見孤鸞影粥飯茶湯盡成  
哽結作蓮房顆顆空安來苜蓿牀牀冷北山有網羅  
南山鳩鳥多霜雪遍大野何處覓高柯一椽且共懷  
清住寡女絲縈朝更暮無波古井不生瀾苦雨酸風  
幾年度難得尋常百姓家松筠節操盡堪誇紛紛地  
下心多慰開徧堂前旌節花

北隅續錄卷下

八

義倉

義倉在普濟堂東有道光十七年巡撫烏爾恭額撰  
碑文曰義倉之設所以佐常平之不逮也其法昉自  
隋代而踵行於唐先事豫籌官爲掌而民總其成在  
古所設諸倉中法爲最善浙會杭地廣戶稠商賈輻



蕪逐末者眾家鮮蓋藏朝饗夕煨率皆取給於市其南衢巖諸郡產穀僅足自給其北嘉湖二郡雖土田沃衍取贏亦不足供會城之需歲恆借給於兩江兩湖甚且資海運於臺陽沂江程於川省偶值歲歉穀價翔貴議糶議賑籌畫綦難道光十四年余奉

命撫浙仰荷

聖天子德澤所被兩值年豐今秋穀價之平尤爲數十年來所未有闔城紳士陳雲柯中丞潘紅茶方伯胡書農學士金亞伯少常韓對山龔闇齋觀察戴醇士宮贊朱香樹庶常高越垞張仲甫中書景秋田司

北隅續錄卷下

九

馬梁春睭別駕請以前賑餘羨務所捐房租所輸存款約銀三萬餘兩於城北普濟堂隙地建設義倉爲桑梓籌積貯余謂有備無患因時制宜是守土者之職也爰允其請首捐廉爲之倡一時錢伯瑜方伯王銅士都轉寶松溪觀察亦各捐廉仗助相與慎擇董事互稽出入法以穀貴則平價以糶而納其價於官俟市價平則請領買補價在庫無侵漁之弊歲易穀無朽蠹之虞總期於民有益而官不擾揆度既定卽命鳩工庀材曾不踰時已告蒞事經始丙申秋九月落成於冬十二月凡建倉二十四座貯穀二萬餘石



其他賓僚廳事與夫礬米之屋曬穀之場靡不畢具  
垣牆楹砌既峻且周規模始創已秩秩乎有條不紊  
所願諸君子實心任事誼裨同里惠洽編氓兆風雨  
之和甘增湖山之樂利賡歌

帝力同慶昇平將來經費有餘更擴而充之是則余  
所深望於會城之紳士者倉基地若干畝爲錢塘職  
員王錫仁和職員高鳳墀所分捐約錢四千餘貫董  
事爲候選中書莊仲方候選訓導韓文彬職員陳學  
瞻金國葵舉人錢廷薰生員王泰例得備書文見崇  
雅堂集實胡學士敬代撰董明經醇作倉箴云倉人

北隅續錄卷下

十

遭人周官以設積貯肇興生民最切自周以還法立  
賢傑或廢或修其政不滅義倉之制初於隋文豐收  
歉散溥惠行仁晦翁社倉名革實因西山繼起厥制  
克循利久弊生法由人舉李耿不作凶荒誰禦白籍  
混淆紅粟參伍饑我烝黎飼乃雀鼠毋曰文具視爲  
泛談有年不蓄無年孰堪虎而衣冠其視耽耽胥乃  
民蠹吏爲民蠹毋曰天災盛時罕有水堯旱湯繇七  
厯九珠玉滿懷誰餽其口金錢滿府誰掣其肘思患  
預防倉儲最良官建民守由鄉及邦勿致侵漁徒飽  
蠹囊勿同狼戾不慎蓋藏我思其人端貴有德才以



濟之不耗不蝕天有不全補以人力食爲民天敬告  
有職夏明經之盛有詩紀事云昔年游饑官振粥民  
氣彫瘵賴以復尙餘振銀一萬奇籌畫三年九年蓄

一解我我義倉始創置普濟堂東有閒地其地高與王

分捐同仗義二市廛昔輸一月租今者併以充倉儲

輸租祇一月飽德逾萬夫枕民任郵賢何如三吁嗟

乎常平廣惠古不廢一利祇愁增一弊治法願長存

治人願長繼粒我烝民歸實濟四劫後大吏鑿辛酉

絕糧之患講求倉儲籌款購穀割普濟老人號舍地

委黎喬松司馬景瀚監工增建倉屋規模益備中爲

北隅續錄卷下

豐備堂西爲三餘室後爲倉厥凡一百五十四閒內

三號爲出米倉備馨穀時轉運之用可儲穀十萬五

千石厥後隙地爲魚池池上爲倉王祠其西爲薯房

金江聲副使

龔侍御翔麟所居紅藕莊在梅東里藏書萬卷多人

閒未見本江聲副使少居梅東假館紅藕莊因得漁

獵羣書著梅東集一卷梅東瑣碎錄六卷嘗賦田居

遣興和龔先生原韻云舫齋低跨紫菱灣卜築蕭然

遠市園步屨每遭田父飲橫琴且聽酒人還黃金網

綻籬根菊青黛遙分屋角山自喜新居同履道息機



誰似白公閒又坐放魚軒池上作云淺碧池塘小鏡  
澄晚來吟倦水窗憑銷魂照見殘秋影涼月西風雁  
一繩又過普照院感舊云舊日藏修地重來恍隔塵  
鐙明惟見佛院靜似無人丈室經龕改荒畦菜把新  
僧雛盡頭白相對話前因江聲諱志章字繪由雍正  
癸卯順天舉人厯官口北道有江聲草堂集子曰焜  
曰文瀄同舉乾隆丙辰詞科焜字赤泉雍正乙卯順  
天舉人官國子監典簿有妙明書屋詩三卷其過田  
居先生放魚軒有感調石湖仙云詩翁何處贖河上  
林園荒蘚填路流水外彎環尙青青筠籬曲護幽蹊  
閒眺倚碧樹頓成淒楚無緒聽露枝兩兩蟬語荷花  
守紅自墜帶文漪漂浮別渚塵柄風流不把年華留  
住釣艇猶橫釣筒猶在放漁人去誰領取吟魂月下  
谷與文瀄字質甫號金門乾隆己未進士由編修出  
守錦州府以戊辰春

北隅續錄卷下

十一

孝賢純皇后大喪有周中丞學健制府楞額等違制  
薙髮交刑部治罪文瀄稟命於府尹然後薙髮事發  
純皇震怒立命誅之盛司寇安叩首請曰金小臣罔  
識國制且請命大僚然後薙髮情可矜恕請

上寬之



上怒曰汝爲金某遊說耶安曰臣爲司寇盡職而已並不識金某爲若何人如枉法干君何以爲天下平也

上大怒命侍衛反接安赴市曹與文滄同寘於法安陽然長嘯曰臣負 朝廷之恩而已後

上悔悟命近臣馳騎並金赦之安施然叩謝如常時市曹萬目共覩曰此真司寇也次月卽命安入 上書房傳導諸 皇子曰盛安尙不畏朕況 皇子乎真師保之妙選也文滄蒙赦遣戍塞外嘗做困學紀聞爲蛾子錄又著讀史卮言及塞上歸歿於閭津書院錄此以見雷霆雨露無非 天賜也

景方伯

景謙字福泉號鷺農仁和人弱冠蜚聲庠序長具經世才遨遊吳豫間當路爭相延致嘉慶丙辰以 恩貢試吏直隸州判借補甘肅平羅丞知靖遠縣改湖北權漢陽襄陽同知荊州知府授雲南澂江府由首郡擢池東道軍功賞孔雀翎擢貴州按察使湖南布政使三年乞歸葺屋於梅東橋西前楹供文石後多隙地植梅花數十本客至則開家釀摘園蔬相與劇



談終日工爲詞翰兼擅六書精賞鑒性剛直與人交  
知無不言言無不盡待戚黨以情請貸必應以故囊  
橐蕭然人贈以楹帖云入世無柔骨逢人有熱腸二  
句能盡其爲人卒年七十八

### 胭脂橋

胭脂橋舊名葛家橋載之潛氏臨安志其地有葛巷  
武林文獻錄葛天思仕宋甫半年爲元兵所執勒降  
不從割其耳旋自縊無子妻妾協志守眞雙修於家  
歿後聞於朝封雙夫人卽以所居爲廟其間高樹淩  
霄嘗有鵲數百飛鳴其上亦稱割耳郎巷巷之側爲

### 北隅續錄卷下

古

柴園丁茜園曾賞牡丹賦詩於此汪啟淑水曹清暇  
錄載湯侍御世昌仁和人諸生時鄉試僦居貢院比  
鄰苦炎熱旁一大宅鎖閉詢之爲前杭守柴君所買  
爲寓廬者因有鬼祟人莫敢住餽司鑰人假以暫居  
樓中窗櫺尙完略爲灑掃遂移榻焉樓西房委棄竹  
箱雜物亦置不顧明鏡讀書不覺夜半忽有披髮女  
子突立樓心湯公大聲叱之女惶恐曰不知貴人在  
此竟無狀矣退西房膏沐以出一姣好女子也跪訴  
曰妾姓朱名筆花前杭守柴納爲姬正妻妒值媿身  
賄穩婆桐油塗下體潰爛而卒兒被正妻認爲己出



今己長成不知爲妾所生他年君設教江漢書院子  
應出門下懇公將妾冤告之將妾尸改葬牆東井邊  
有八角磚可驗也指房中破竹箱云是妾昔年藏有  
零星首飾太守哀悼觸目傷心未攜歸有人翻動妾  
出怖之人驚爲怪今舉以奉贈湯公慘然諾之後事  
皆驗湯公與予交契故詳悉焉

戴贈君暨文節公

曾文正國藩戴府君墓志曰君諱道峻字升甫補錢  
塘學官弟子七試於鄉而七黜以子熙貴敕封儒林  
郎誥封朝議大夫既歿而熙躋卿貳例晉資政大夫

北隅續錄卷下

五

君綜治羣書不以一流自域不與橫目之民爭利不  
與逆撓者校曲直改葬長兄孝廉之墓迎主於家而  
時其祭從父墓崩易棺而葬又葬其姊又葬其師之  
無主後者少嗜碑碣繼嗜古扇聚以千計老嗜古金  
泉刀布幣兼收博考既寄於三者乃寘於萬物陶然  
自娛年六十七卒邵員外懿辰戴文節公行狀云公  
諱熙字醇士號鹿牀年十九中嘉慶己卯鄉試道光  
壬辰成進士既入翰林逾年散館授編修不數月大  
考詞臣以落葉賦稱旨擢贊善十八年直南書房  
命視廣東學政諭曰爾校文必能公明粵地繁華非



北地比以釐弊爲要事必躬親勿受蔽於人也旣而  
天顏溫霽曰古人言作畫須行萬里此行徧歷山川  
畫當益進比歸復命爾作畫矣至則嚴飭士習老吏  
蘇仲山久於科場作弊公廉知之置之法由是夙弊  
皆革訖任頌聲翕然任內厯陞侍講學士乞假省親  
丁父憂服旣除待闕未補復

命督學廣東以先任能舉其職也在任擢光祿卿厯  
閣學還朝轉兵部右侍郎皆在 南書房而公遽  
以勞疾乞假歸田里乃以三品服致仕時道光二十  
九年公年未五十也抵家拈大作會

北隅續錄卷下

六

宣宗升遐

今上登極有

詔薦舉京外官大臣或以公應  
特旨徵公以病不能行遂不出越二年而有粵賊破  
陷金陵之變江浙鄰比戒嚴

詔公會大府督辦團練捐輸事宜又越二年會城設  
協防局前學使九江萬公青黎實總局事而公預焉  
丁巳餘杭胡萬成作亂撥局勇會官軍剿平之次年  
春僞翼王石達開自江西率賊數萬人圍攻衢州遂  
陷處州旁擾金嚴各屬縣公同前浙撫晏公端書趣



兵會援而後平以功還二品服庚申春公年六十而  
杭難作賊酋李秀成牽眾數萬自南陵涇縣破廣德  
入浙境總兵李定太敗於梅溪連陷長興孝豐遂撲  
湖州竄武康狂奔上陌奉口二月十八夜抵北新關  
十九日黎明直撲武林門巡撫羅公遵殿以鹽運使  
繆梓前攝金衢嚴道歷兵事一切倚之別設城守局  
委前平慶涇道戚貞專調度支應公仍悉心計議而  
天大霪雨不止城上兵民跋涉泥淖中辛苦疲欲賊  
乃於二十七日黎明自錢湖門故址穴地轟裂城遂  
陷羅公等死之公遂於二十九日薄暮題絕命詩云

北隅續錄卷下

七

病軀晚歲遇時艱八載巡防總汗顏撒手白雲堆裏  
去從今不願到人間整衣冠投池水弟煦聞公薨笑  
曰吾兄得死所矣亦投井死煦字鄂士嘗爲名諸生  
以兄貴不應舉注莊子內篇及陶靖節集研精歷算  
之學西人見其書皆推服城復事

聞贈公尙書銜官一子給世職

予諡文節建專祠以弟煦附祀初贈君居麒麟街後  
公遷觀巷龐氏園方塘數畝悉種芙蓉石梁臥波以  
戊午遷此名戊午橋得楊少師韭花帖眞蹟構屋藏  
之顏曰韭花書屋弟煦亦遷居汪登園而以老屋居



弟燾燾字馨士勤幹有爲亦於庚申夏病歿

### 高觀察

高觀察人鑑原名德鎔字螺舟與戴公熙同居麒麟街屋宇僅隔一牆同登道光壬辰科進士同入翰林散館高列第一同授編修先後又同視學廣東後戴以兵部左侍郎殉杭難

贈尙書諡文節蔭官一子高雖終於貴東道而

冊封琉球

賜一品服厥後其子兆麟以勞卒於軍

贈太僕卿似無弗同者當時人稱地運之盛理或然

北隅續錄卷下

六

歟觀察家湖墅少孤依母家姚氏姚與龐有連因壻於龐而居麒麟街焉道光戊戌偕林殿撰鴻年奉

命冊封中山王尙育林文忠贈聯云披一品衣破萬

里浪其自賦紀

恩詩有二百年來頌

詔七八千里外駕帆雙之句禮成散步館外見一屋

中厝一棺前和題識曰

天朝參將某公之柩異而詢之則乾隆中護送封王

之使至彼國以病死者也問何不歸曰海船忌載柩

乃曰是俗忌耳何足慮吾當歸之謀於正使不可乃

曰吾兩人猶彼也萬一死海外亦無歸乎請以吾舟載之雖沈溺無悔而一舟之人亦皆執不可因怒曰此吾舟也吾爲政卒載之行未一日風浪大作舟中人咸歸咎崩角於前者數十人請棄柁堅不許抵粵東參將故粵人訪其家而歸之旋

命典試粵東又

命爲學政時海警初起屢上封事且劾粵督甚切已則清矯絕俗坐是失朝貴歎俄改授衡州知府衡州獷悍俗尙符咒厲禁剗論邪慝漸息耒陽湯大鵬糾眾爲亂親剿平之時彭剛直公王麀方應童子試觀

北隅續錄卷下

七

察見而器之招至署中讀書衡陽應童試者千餘人入學頗不易剛直是歲縣試可第一及案發乃第三越日縣令召而語之曰以文論汝宜第一亦知不得之故乎謝不知曰府尊意也府尊曰彭某他日名位未可量一矜之得失遲早皆可不計今歲在吾署讀書若縣試第一人必謂明府推屋烏之愛耳是其終身之玷矣是歲剛直竟不入學後數年始隸諸生之籍剛直以此感知遇益甚守衡數載政通人和迨陞擢貴東道之

命下而玉樓遽赴矣有補拙齋詩稿人又謂適與戴



文節習苦齋文集相輝映云

龐家園

戴鹿牀侍郎買屋於觀巷習苦齋文集目錄有龐園記而記文獨缺相傳爲龐鉢湖孝子連故廬但孝子居壽安坊此豈其別業歟觀巷之西爲麒麟街龐家或卽孝子同族康雍閒龐氏始遷居聞屋主人之祖當營造時夢一龍入室竊以爲瑞豈知預兆龐氏繼居之讖也其屋基頗廣太左達小和巷之河濱右達大和巷舊時有池沼有美人峰及園亭之勝于姓旣繁房族分析余所見者惟頤志堂松喬鶴和居鹿門草堂及後圃一區雜栽花樹而已主翁諱文來太學生內介外和有道君子也子炳如名蔚章布政司理問娶姚氏余姨母也炳如丈嗜酒成疾謝絕家事姨母事舅姑惟謹教兩女以慈淑慎温恭三黨足式先母聯依以居者凡十年余兄弟並承撫抱之恩咸豐辛酉適屆六十壽卒以城再陷與姨丈同殉云

汪登園

沈亦然五硯齋集自編年譜乾隆九年生於杭城之汪登園戴鄂士煦居其地改爲安敦園殊不知登園明祠鄉賢贈禮部尙書汪公諧之子園實其居第也



按李東陽懷麓堂集載明故嘉議大夫禮部右侍郎兼翰林學士贈禮部尚書汪公墓誌銘云公諱諧字伯諧弱冠而孤能銳意問學聲動場屋舉天順庚辰進士選庶吉士授編修以纂修英廟實錄成遷修撰擢右諭德丁酉續資治通鑑綱目成進右庶子戊戌侍今上講讀於東宮己亥以母艱去壬寅復任丙午典南畿鄉試丁未詔授庶吉士是年上卽阼以侍從恩擢少詹事兼侍講學士宏治戊申開經筵仍充講官庚戌典禮部會試爲憲后實錄副總裁辛亥疾作既三月告疏請停俸不許每賜珍味旋陞禮部右侍

北隅續錄卷下

三

郎兼學士壬子復疏辭乃許仍詔疾愈當復用自是獨處一室右臂猶持杯作書間爲文以應求者越九年疾革不起特贈禮部尚書遣官諭祭仍給驛歸其喪命有司營葬事公娶章氏贈孺人子三長登以恩肄業中書次舉順天鄉貢次賜府學生萬厯錢塘志公墓在龍井子太常卿舉耐嘉靖仁和志蔭錄表登以父諧爲禮部侍郎蔭入監官至順天府通判

烈帝廟

烈帝廟在永新橋咸瀆志顯佑廟在仁和縣百萬新倉西神姓陳名果仁常州晉陵人仕隋至司徒沈法



興謀叛忌司徒威名詭召食毒死之忠憤赫靈竟以  
神矢斃法興唐武德初嘉其功廟祀焉以忠烈公啟  
封後梁封福順武烈王至後周加以帝號宣和四年  
賜常州廟額曰忠佑嘉泰六年臨安以禱雨應乞加  
封又賜行廟額曰顯佑咸淳四年安撫潛說友以嘗  
禱雪祠下昭答如響乃崇飾廟貌而新之五年會常  
州士民乞加封又上之朝且以前代封帝爲非禮乞  
於福順武烈顯佑之上更加二字爲八字王詔可之  
加曰福順武烈顯應昭德乃奉制書馳賜忠佑廟而  
曹氏宗譜載重建顯應廟奉祀曹大將軍殿碑記杭

北隅續錄卷下

三

郡武林門內仁和縣舊百萬新倉之西有廟曰顯應  
蓋祀陳烈帝而繼以將軍父老相傳肇自我皇明云  
將軍姓曹名士甯海昌巖峰人生平採藥施予拯急  
難捐資延醫以治人之疾尤惟日不足且恭敬神祇  
率同里立義社辦信香獻於徽州之婺源五顯祖廟  
歲以爲常誕於宋嘉定癸酉二月四日卒於宋季年  
三月三日沐浴更衣端坐堂上謂其子曰大帝敕佐  
五顯吾當至婺源矣語訖立化越明年九月降靈於  
家其子建祠奉祀一方水旱苗疝禱之輒應而以瘡  
瘍疾疠祈者尤奇驗許村場密邇巖峰秋旱潮涸停



民之漑懼鹽難成場令潘萬選禱之俄頃潮至常課  
聿成旣以疾禱信宿而瘳遂述靈跡申於上官修葺  
祠宇勒文貞珉元至順三年壬申八月也迄今胥饗  
滋新平風靜浪翊運河漕與平浪英濟等埒明授敕  
封威靈顯應於遐邇乃肖像於斯以便祈報萬曆二  
十七年仲春二月姚靖西湖志則云顯佑廟以祀陳  
昭烈大帝者廟前又有捲簾使者曹大將軍塑像俗  
奉爲祈創瘡痍之神香火至盛今竟譌二神爲一更  
有題神廟爲烈帝捲簾祠者強不知以爲知真可嗤  
絕

北隅續錄卷下

三

清隱軒記

乾道志鐙心巷爲同德坊徐教授一夔始豐稿有清  
隱軒記曰清隱者前福建廉訪司僉事章公宴居之  
所也公在癸巳歲奉先府君歸葬於洛以道梗弗進  
僑居錢塘之同德里其居有軒四楹戶牖明豁可愛  
軒前方塘水波渺瀾塘之左右叢篁茂柳相掩映公  
居其中嘗施施而行漫漫而游以節其憂戚之情一  
日過前貴池縣長刺馬丹君見今所揭匾實紫陽先  
生朱文公所書問所從來則貴池得之倚南海牙君  
而倚南海牙君爲崇安縣時得之武夷民家者也公



請以歸喜曰實稱吾軒且先正之手澤也遂尊而揭之閒語一夔以得匾之由且曰可以記否一夔肅瞻已謹告之曰昔在梁時蕭子雲飛白蕭字以名天下之寺歲久零落有買歸以建蕭齋好事君子雖寺額且以名齋况先正之手澤所在乎尊而揭之是也敢輒爲公記之按文公先生居崇安之五夫里去武夷不一舍近暇日與門弟子登山臨水以暢其性情淳熙十年先生謝江東之節始作室武夷山中凡亭軒齋閣莫不完好而加頓置之是匾必其一也相去二百餘年風雨侵陵苔蘚剝蝕曾不朽漫而其筆精墨

北隅續錄卷下

五

妙猶熒然有光采若有神物護持之者豈先生之精神見於字畫者尙不泯哉嗚呼先生遠矣見先生之手書而感慨興起云者夫亦豈止於字畫之末而已蓋先生以高明正大之學接諸周程以趨孔孟之奧雖其道不盡行於時我朝許文正公尊信其說而表章之遂有至元之治不可誣也生乎先生之後思先生之聲音氣貌而不可得其片言隻字於運去物改之後有不加之意乎宜乎公護茲匾不啻若兼金拱璧而不肯輕棄也抑聞公在成均時師事前祭酒太原呂公而凡先生所說吾道之大體用之全本於



已而推之人者固嘗受之心傳口授之時而驗之立身行道之際矣今也以憂去官固將移孝爲忠以盡展其所學念慮之所存精誠之所至必以先生爲準的矣此所以出警入省於茲尺咫之版也詩曰高山仰止景行行止公之謂也如曰居有水木之秀而徒取清隱之美稱爲考槃之計夫豈知公者哉是爲記

觀橋

潛氏臨安志觀橋報恩坊北御街上過此橋轉西一直至新莊橋入萬壽觀夷堅志淳熙初王良佐者居觀橋下初負擔販油後家小康夫婦奉佛施捨無虛

北隅續錄卷下

五

日一日焚香見塔影七層金書三字曰保叔塔乃捐資修塔塑其夫婦像於第一層或曰王少年繫獄逢巨盜同牢款密因語王曰我行盜殺人無生理有金銀埋保叔塔下悉以贈君我伏法日幸收骸骨高原廣作佛事則我瞑目矣王出獄果得金銀塔下故假塔影以蓋其事云程史中都有談天者居觀橋之東設肆於門標曰看命司術稍售其徒憎之曰司者有司之稱一妄庸術乃以有司自命豈理也哉相與謀訟之一人曰是不難我能使之去旦日徙居其對衢亦易其標曰看命西司過者多悟而笑其人愧報亟



撤不敢留伎流以智輒敵乃有喻於不言者可謂巧矣詩人玉屑王鎬字從周永嘉人至忠州守有觀橋寓樓摘句云避喧那厭雨宜睡不思茶夢梁錄觀橋大街賣豆兒糕輕錫宋文憲集宋學時有孫君守榮者其先居富春自呼富春子歲而病瞽遇異人授以音律推五數播五行之術其於萬物始終盛衰恆於音決之周垣未第時坐於觀橋市肆厲聲誦僕孫君聞其聲往揖之曰狀元何怒耶周以其給已不答後果擢進士第一楊克齋同鄧中山遊虎林會孫君亦在楊戲君曰我何如人孫君曰公貴人也不久卽遷

北隅續錄卷下

三

大理卿再典一大藩卻從方外士遊耳已而由理官以直寶謨閣知重慶府遂主管千秋鴻禧觀以終江子遠舍選出身教授池州負已好凌人當路惡之欲誣以罪孫君曰不可子遠雖少未可輕蔑二十年後必秉國鈞也後其言輒驗程吉公集客命孫君次第聽其聲聽已歷指曰此異時朝士也此異時院轄也此異時法從也此異時執政也旁有韋布之士劉姓者聞其語夸笑之孫君曰汝何人乃敢爾耶或曰汝勿相慢此祕書丞劉公也孫君曰大白山老儒生耳烏能入祕書一笑而罷吉公籍記其言無一人差者



其神奇往往類此惜乎爲史嵩之所忌謫死遠方壽  
花堂詩集林小竹移居觀橋街索詩嬾我久無一句

詩林君無詩強勗之君旣無詩韻誰步壁間指有余

公句

余大觀  
松屏

余公稱君移觀橋結廬人境無塵囂宜

數涼堂及閒館乃稱有竹門可款更復不數井涵廚

但稱有花酒可沽主人誠賢客善禱我來何敢同張

老園林眞愛蔚然深室家路許窺其好許君芳草伴

蘭叢荷鍤能來歸不空

時索翠  
雲草種

一笑詩成君肯和請

書繭紙報余公武林人物新志李宏道字穎先仁和

人世居觀橋北豪俠好義熟刑名醫卜諸書幕游齊

北隅續錄卷下

三

晉燕趙閒客山左遇異人授以廣漢祕方曰汝可世

食矣用以濟世瘍者日盈其門年八十四無疾終子

孫世執其業金奉闔客窗二筆杭州觀橋汪某乾隆

末挈眷進香普陀汪故富家汪妻首飾金珠舟子忽

萌盜心突進艙中厲聲曰首飾衣服尙汝有耶汪文

弱僕亦非健大驚失色願歸長物乞命舟子九人氣

益戾將加刃焉忽有飛箭南來九人殲焉帆順風自

颺瞬息抵普陀稽首慈雲見紫竹數竿插階下數之

其數適九越日乃與戚好另棹回杭皈依益力錢塘

徐怡香與汪善爲余言杭郡詩三輯林則茂字半樵



仁和諸生樸質清真不尙才藻究心鍼學銅人正背  
明堂側伏靡不精研經絡穴道指無虛發利濟鄉里  
羣推長者道光己丑受知李侍郎入仁和學沒於光  
緒戊子臘月泮水重游祇慳一歲所居觀橋所業輕  
錫豈承之南渡市肆耶因半樵翁摭拾羣書備著於  
錄

### 西牌樓

長壽橋街有石坊二一曰三世司馬一曰經略華夷  
皆爲兵部侍郎宋應昌立宋公里第當在其閒華夷  
經畧坊界其西故稱西牌樓公字思文號桐岡方面

### 北隅續錄卷下

天

紫髯目閃閃如電嘉靖甲子舉於鄉乙丑成進士知  
絳州陞刑部員外郎改戶科給事中轉刑禮二科左  
右給事出爲濟南守厯山西副使河南左參政山東  
按察使江西福建左右布政使晉都察院副都御史  
巡撫山東陞大理卿工部左侍郎萬厯二十年倭以  
六十六島之眾破朝鮮聲言內犯京師戒嚴九月二  
十六日詔拜應昌兵部右侍郎經畧薊遼山東保定  
等處軍務時經畧創設提督大將軍李如松羈寧夏  
未至兵食皆未備詔書督促應昌不兩月部署出關  
會兵部尙書石星方議西討遣游擊沈惟敬往平壤



宣諭倭退兵時冬寒倭許退以老我師惟敬報命謁  
應昌應昌曰我奉命討敵知有血戰耳卽誓眾踏冰  
渡江惟敬執款議如初應昌繫之軍中議討益急春  
正月兵薄平壤行長築飛樓鑿牆穴守牡丹峰相倚  
角應昌門其三門外布蒺藜火器齊發毒煙蔽空軍  
士攀附而上諸門盡破行長遁回王京行長之遁也  
大將軍輕其屢敗走探地形驟遇重圍大將軍殊死  
戰援兵復至倭始退是時王京聚倭號三十餘萬且  
當八道之中倭不退朝鮮不可復也應昌知王京城  
南有龍山倉朝鮮兵食所積以資倭倭必不退夜令

北隅續錄卷下

三

死士以明火箭燒之十三座俱盡倭棄王京而去遣  
兵追擊至南原又追及晉州倭乃遁還熊川西生浦  
是役也索回王子陪臣宮眷百餘人斬首二千三十  
級克復平壤開城王京還故地二千五百餘里戰勝  
之後撫卹傷殘招歸脅從仍分前兵屯守太丘南原  
慶州等處移檄國王濬塹挑濠築關置墩善後之宜  
甚備卽宿將不能易也卒以仇嫉交攻幾遭不測特  
著經畧復國要編十四卷附一卷以紀之首列沿海  
四鎮朝鮮圖說朝鮮乞援疏部垣臺諫條議疏畧應  
昌疏奏文移檄牘函札排次策載以傳於世東事平



歸家十年而卒年七十有一子守一守敬守心同里黃汝亨爲行狀太倉王錫爵撰神道碑

重修天后宮記

國朝雍正十一年禮臣議建各省城天后祠宇春秋致祭

詔允所請我浙省之祠則制府李敏達公衛先於二年毀武林門內天主堂所改建者也棟宇翬飛金碧藻耀疆吏率文武官朔望奉香帛春秋陳俎豆禮至重也顧距祠一里而近地名孩兒巷別有天后宮殿庭樸古未及武林門之宏麗而庭前雙柏蒼若羽葆

北隅續錄卷下

三

旁一銀杏大數圍皆百餘年物獨宮無碑碣無由知其緣起余先世附漕艘自江淮達潞河以南北食貨相貿遷先君子旣移家麒麟街與里閭中同業若龐氏黃氏高氏孫氏金氏歲約歸日就宮報賽神誕具牲醴爲壽且寘市塵獲賃資以贍守宮道流余兄弟兒時往往瞻拜其中道光丁酉歲龐氏壻高編修人鑑奉

命副林殿撰鴻年 敕封琉球國王道經浙水林本

神族高爲里人伸禱獲佑眾益趨之洎咸豐庚申春杭城猝陷於粵賊不旬日而克宮固無恙是冬西國



受撫約明年來索天主堂故基時兵事孔棘撫部王壯愍有齡仰承 朝廷懷柔之意遽從其請壯愍闢產也重慮神失所棲因擇三茅觀舊址爲宮土木丹青備極物力凡碑楔鐘鼓几筵之屬一一移置用大木巨纜輻轉像設撼搖通衢觀者驚歎及工成而杭城再陷越二年同治甲子春城再復余自滬還亟趨孩兒巷宮幸仍無恙復訪三茅觀所改新宮摧殘殆盡僅一封號碑裂臥草閒旣昇歸于宮又從銅局得故鐘置簾以懸乃白護撫院湘鄉蔣公發官緡一千五百千重爲葺治不足者同人捐集焉并新後之三

北隅續錄卷下

三

帝殿呂祖閣且益屋三楹移秋鴻館舊額顏之爲游憩之所蔣公遂檄有司就其處月奉香歲奉祀以復故事至是宮地較前稍拓典禮亦視前加美矣寒舍藏書歷劫灰燼兵後搜補加意圖經暇日閱田汝成西湖游覽志稱天妃宮在孩兒巷北以祀水神洪武初建於是知是宮創建之始後得吳農祥梧園集有募修孩兒巷天妃宮疏則謂宮元時建康熙二十三年江都汪檢討楫偶感異夢如接神居覺奉

明詔 令封中山行次於浙偶登此宮追悟夢游愈徵靈蹟又云時惟九月律轉三秋不意鬱攸實遭蕩



燕顯號既加於今日隆章宜別於往年又知是宮嘗燬於康熙中復檢汪檢討使琉球錄載康熙二十年九月十四日夢與同官喬萊登山有碧霞元君廟疑爲泰山神下拜神衣飾如妃后次年三月與中書林麟焯同充冊封琉球國使蓋林字石萊喬字石林乃知預定獨疑於泰山神無涉行次杭州偶於孩兒巷得天妃經一函詳書歷代封號始知崇禎十三年加封碧霞元君示夢者卽天后也證以吳徵君募疏之文靈應益顯蓋吳徵君舊居宮之南而汪吳又同應康熙朝博學鴻儒之徵故紀載符合如此余惟古

北隅續錄卷下

三

今治亂遞更其不隨世異者惟祠廟耳今此宮歷五百年疊遭興廢而神迹不殫先後奉使中山越百五十年皆林氏子姓又皆同拜祠下妙應洋洋不可思議竊意今日漕挽久停向之附糧艘爲業者生計悉絕如與先世同業之金龐劫後皆不可問其中一二稍能自立亦改依海運爲生一若前此歸時酬神祝誕之盛不可復覩者然運際上元海內方延頸以觀中興之治於以復漕政於以慎海防安知隨漕爲業之民不仗神佑而復興又安知已廢之故址不更以神之靈爽式憑卒還我舊觀哉余特慨廢興之迹與



是宮原委牽連書之以補碑碣之闕云同治戊辰季春先兄竹舟撰書越二十有四年前殿忽圯議改建之事竣長沙張太守濬萬又爲記曰 聖清茂膺景命懷柔百神其于海維護國庇民妙靈昭應宏仁普濟福佑羣生誠感咸孚顯神贊順垂慈篤祐安瀾利運澤覃海宇天后之祀煌煌典禮至鉅至崇祠廟徧天下統以祠部主以疆臣罔不祇肅而海客船商之眾亦各集貲別爲營建以時禱祀報賽其中杭州天后宮有三一在武林門雍正朝李敏達衛撫浙時毀天主堂所改建也一在三茅觀咸豐朝王壯愍有齡

北隅續錄卷下

三

撫浙時所移建也一在孩兒巷肇自前明逮及國朝則附漕艘以南北食貨營運爲業者如丁氏龐氏黃氏高氏孫氏金氏眾力之所繕完葺修也方是時財用富饒家給人足懋遷之利三倍歲時伏臘牲醪苾芬之薦笙歌和平之聽時稱極盛自海禁大開輪舶飛駛南北食貨之商生計稍稍貶矣咸豐庚辛之歲杭州再陷于粵賊迨大難削平故宮基構僅有存者補苴粗具有司春秋祀事於此乎舉蓋至是而天后宮凡三易其在武林門者以西款成索還舊址而遷也其在三茅觀者以兵燹之後廢爲榛莽也鋪筵



設几以依神其在斯乎光緒壬辰夏月前殿忽圮赤  
日當午碎然一聲棟崩棟折獨像設扁額之屬一木  
持之完全如舊異矣哉非靈爽之所憑哉巡撫長白  
崧公駿議重修之發糧庫官繕若干屬士紳丁君丙  
董其役先是舊宇凡二重前奉天后後一重祀文武  
帝而于神父母兄弟姊追崇之禮缺焉丁君於是卽其  
右偏闢地樹櫨移祀文武帝卽其故址前爲拜獻受  
福之堂爲中殿以奉聖像爲後殿以奉積慶公積慶  
公夫人以靈應仙官慈惠夫人附左右蓋規模大備  
禮制斯協矣傳曰神聰明正直而壹者也依人而行

北隅續錄卷下

五

神靈之在天夫豈一廟一祭報爲增損然而時事之  
推遷物力之息耗於此可見其建置更易之始末亦  
宜有述以諗來者又爲迎神送神之曲歌以祀神其  
祠曰神之來兮風馬兮雲車鐘鼓將兮靈巫趨彈神  
絃兮吳歛採茗於山兮採蓴于湖豈芳潔兮清腴鑿  
忠信兮區區福我壽我兮百順俱神之往兮排馮夷  
兮擁天吳望故宮兮唏噓憫時事兮艱虞蛟鱷登陸  
兮化爲豺獍民生兮載胥奮風霆兮驅除猘我后兮  
其蘇其蘇



湯明俊字萬英號次公先世海鹽人係出信國公和後承樂閒貞白處士遷杭州六傳而爲慎所君官鴻臚寺丞萬英父也萬英未冠補錢塘學生試輒高等講求經世之畧象緯輿圖邊衛海防河漕屯田鹽法以至卜筮算數之術靡不究心志欲建功名靖寇盜而自顧不得用恆鬱鬱有所思甲申北都陷椎膺長號累日不休夜兀坐人間故亦不答也崑山顧公咸建令錢塘雅善君顧公殉節懸首鎮海樓君時已病不能行肩輿至樓下僕夾掖不能成拜乃舉聲一慟血如泉湧及歸遂不食手畫五倫二字而歿年四十四

北隅續錄卷下

五

有四寶乙酉七月也著有易說二十卷寧都魏禧同里孫治表志其墓同里毛先舒陸容並爲傳子顯宗可宗並諸生有文行顯宗年三十餘遭疾自知死期爲之歌曰名不可逃矣亦不可求多病喪身何怨尤已矣哉山之顛水之涯秋風蕭蕭兮送余歸歌畢而逝所居在梅東里

湯少宰

梅東高橋有湯少宰舊第少宰諱右曾字西崖先世自海鹽遷仁和祖諱之奇瑞州太守父諱頤和發聲庠序公生有至性四歲時瑞州疾篤夢中驚呼或攬



阿某去卽應聲曰某在此自是不離寢榻少孤隱自傷旣冠游京師丁卯舉京兆試戊辰成進士入翰林庚辰改刑科給事中條議甚眾而豫荒政釐儲積緩燬鑄糾督撫監司養姦蠹民其語尤著薦紳閒丙子主貴州鄉試丙戌禮闈同考皆廉公號得人及視學中州杜苞苴請託絲粟不取之官中勸學勵教請增學額歷光祿太常卿遷通政使授翰林院掌院學士兼禮部右侍郎尋遷吏部右侍郎兼掌院事院中撰擬祭告記序之文多出其手或經改削奏必稱善康熙五十二年謝

北隅續錄卷下

三

恩熱河滿掌院揆敘適侍班

上垂問湯右曾工於詩有刻成者可令進呈揆奏刻者未之見右曾昨在臣寓有所作文光果詩

上命取閱特爲 賜和中有叢香密葉待詩公之句

舉朝傳誦屬和遂稱爲詩公今以

御製和詩刻冠懷清堂集之首

御賜更有扶質堂匾額及風恬咸自樂雨灑易爲秋

須念文章經國事無忘夙夜盡忠心清華宜懋瓊林望敬慎無談温樹名對聯 奎藻雲輝清門風古至

今猶得想象焉



項秋子

項墉字金門號秋子錢塘貢生候銓郡司馬爲吳西林處士穎芳入室弟子屢躋鄉舉益孳史籍爲有用之學乾隆庚子

南巡獻賦行在後與修西湖志廣交游重然諾與人辨論事理得失意氣盈涌不稍唯阿一時名公俊流咸通縞紵所居在西牌樓梧園之左有亭館池臺之勝中爲抱膝吟居許駕部宗彥爲之記文載鑑止水齋集吳穀人祭酒有抱膝吟居觀芙蓉詩春及草堂則名其詩集也胡書農學士有春及草堂看牡丹

北隅續錄卷下

三

詩李西齋梅邊笛譜有集秋子處逸堂看牡丹揚州幔詞時鄉先輩如杭厲丁汪諸公漸就彫謝金門繼起其閒主持壇坫風亭月榭命酒歌詩如是者幾三十年亦吾郡風雅所繫也

西關帝廟

西關帝廟在孩兒巷西光緒戊子余家重修丙撰記曰武帝廟食徧天下其在杭州蓋亦星棋羅列矣而孩兒巷之西廟何以誌夫天下者郡縣之所積也郡縣者里巷之所推也一巷一里雖小小建其規模而神之道無在無不在非專其大而遺其小是故前世



肇端從其質後人述事垂其文孩兒巷宋志稱保和坊東西舊有兩廟皆無碑記莫知其始考吳徵君農祥之梧園集其募疏有曰南宋以前天下祠朱虛侯南宋以後天下祠漢壽亭侯然則廟之建也尙在宋世未稱孩兒巷時乎又曰辛亥夏五月亢旱鄰不戒於火西祠焚焉先未焚時里有夢帝金戈鐵馬若將戒嚴啟行者未幾而火作辛亥康熙之十三年也抑前明時嘗設兵屯於此廟成於軍衛之士乎二者皆未可知而要其降夢示災昔之著靈異者如此自徵君募建以來迄今二百餘年矣先君子舊居麒麟街

北隅續錄卷下

美

歲首必率余兄弟謁廟先妣姚太恭人嘗繡袍以奉神後雖遷居奉之不廢而先兄申以童試祈籤有前三三與後三三之句及咸豐辛亥科入試其詩題則前山後山雨浪浪也而遂以是歲入庠十一年辛酉粵賊再陷杭城而火之覽其舊址先考妣奉香上袍猶前日事也忽焉而遭罹巨劫巷居隨廟爲灰燼者不可勝數而余家幸無恙意有默默佑之者否歟而要其降籤示兆今之著靈異者如此光緒甲申先兄起而營之先垣墉次殿宇次神龕遂及聯額俱備方思以文紀事而未及爲以沒也夫帝之功德盛矣其



著靈異亦久矣自康熙以來凡有草竊不軌者莫不顯威靈以蕩滌迄於粵賊之平未嘗不稱神助蓋帝之秉正嫉邪雖千古不磨之義而我朝明德惟馨默動於昔之忠義此其相爲感召天也非淺見之所知也且有天下者崇其典治其郡縣者報其嘉大矣靡當於紀矣故紀其靈之小著者而以爲一卷一里莫非神之降監云越四年戊子夏五月謹撰文立石

廣福營

嘉靖仁和志作寡婦營巷康熙志稱祥符橋南路爲寡婦營巷舊傳元時軍士陣亡者其妻安插於此故

北隅續錄卷下

五

名而劉辰國初事蹟太祖謂李善長曰出征陣亡及病故軍妻俱令於寡婦營居住不許出營令人巡綽反把門在外男子無故入營問罪殆後之居是巷者嫌其名不吉祥故轉音爲廣福歟

謝卜堂

沈氏映鈴退齋雜錄余官巷本衛地前明余姓武職居此故名余應珠副貢字文竹其後裔也今尙居巷中又有謝卜堂明經家故爲寶堂孝廉家樹弟穀堂孝廉家禾兄一門自相師友出其緒餘教授鄉里受其學者皆得氣以去戴文節其尤著也生平酷嗜好



書名畫吉金古泉節縮衣食購聚五十年蔚成冊網  
巨觀其室人竊笑之交譎之甚將裂其卷軸輒宛轉  
避之往往宵深入靜獨燒銀燭高揭玉又賞契煙墨  
摩挲鼎彝以領其趣又嘗集楊補之馬欽山馬麟王  
元章王朋梅柯敬仲文休承陳道復陸平叔陳眉公  
十家畫梅文與可蘇文忠吳仲圭顧定之倪元鎮夏  
仲昭王孟端沈石田文衡山魯得之十家畫竹長謙  
短幅置諸牀頭如擁佳麗其他珍祕數十百種不能  
盡述年逾七十興不稍減咸豐庚申之劫賊未入門  
至秋而逝著有水明樓稿

北隅續錄卷下

早

吳蘋香

仁和吳蘋香女士藻幼而好學長則肆力於詞居恆  
庀家事外手執一卷興至輒吟緝商綴羽不失分刻  
嘗寫飲酒讀騷圖自制樂府名曰喬影一時好事者  
被之管絃傳唱殆徧大江南北幾如有井水處必歌  
柳七詞矣先有花簾詞頤道陳文述翠浮魏謙升秋  
舫趙慶熺序之首爲浪淘沙云蓮漏正迢迢涼館鏡  
挑畫屏秋冷一枝簫真箇曲終人不見月轉花梢何  
處暮鐘敲黯黯魂銷斷腸詩句可憐宵莫向枕邊尋  
舊夢夢也無聊南鄉子云吹到鯉魚風涼殺秋花一



采紅怪得黃昏寒又力濛濛人在疏簾細雨中香篆  
裊房櫳倦倚薰篝鬢影鬆多事青鐙挑不盡重重偏  
向釵頭綴玉蟲次爲香南雪北詞自序云丁酉移家  
南湖古城野水地多梅花取梵夾語顏其室曰香南  
雪北廬樊榭老人昔嘗卜宅於此文采風流今尙存  
不獨王孫桂隱遺迹未湮也十年來憂患餘生人事  
有不可言者引商刻羽吟事遂廢此後恐不更作因  
檢叢殘賸稿恕而存焉卽以居室之名名之自今以  
往埽除文字潛心奉道香山南雪山北飯依淨土幾  
生修得到梅花乎中有沁園春噀云忽注橫波漸透

北隅續錄卷下

聖

華池靈犀暗通似香參禪味雨花飛白眞傳仙笈日  
影移紅呼吸難調曹騰欲醉幾點荷珠瀉碧筒嬌喉  
錯把九天咳唾粉碎虛空無端愁上眉峰算寂寞何  
人念玉容縱未輕一笑也能噴飯自從多病更怕傷  
風兇並鴉孃占同蟾子慎莫偷窺隔綺櫳誰曾見只  
誤疑清映聲出瑤宮息云鼻觀香通息息停勻如蘭  
氣和問秋千扶下喘絲定否房櫳病起脈候如何細  
畫長蛾近窺明鏡似月籠雲不待呵茶温未鎮擊甌  
無語乳面生波樽前已覺顏酡偏酒力難勝笑語多  
比深宮晝漏六時頻驗華胥仙夢一曲能歌半晌誰



調幾回欲屏花底迷藏慣避他黃昏後聽聲聲只在  
斗帳紅羅余亡內翠螺閣詩詞編成乞女士題辭時  
已耽禪擱筆僅跋數語云自來韻語之作所以發抒  
性情不僅才人有集抑亦吾輩所不廢或專事女紅  
不暇旁及耳吾杭爲人才之藪閨秀代興日下工詩  
詞者皆各梓一編若芷沅凌夫人則其尤者也所著  
翠螺閣詩數卷清詞麗語讀之意銷其閒懷古諸作  
沈鬱頓挫雖須眉何多讓焉所存詞不甚多深得南  
宋遺響惜乎天靳其壽早年物化爲可悲矣其婿丁  
松生茂才哀遺集旣成來索題詞予且衰邁何能更  
爲韻語爰書數言歸之芷沅有知當勿笑予之疏懶  
也

南湖花隱樓

南湖徐氏水樓在慧雲寺側厲樊榭故居後爲名流  
觴詠之地倪米樓顏額宋芝山寫圖一時題詠最多  
不及二十年而湖山詞客十九彫謝况樓中人耶圖  
爲振綺汪氏得而徵題摘錄於後倪稻孫米樓齊天  
樂鏡鸞何事羞孤影湖雲動搖涼淺傍柳門閒穿花  
徑窄遙指紅樓前面開尊向晚得幾輩朋遊幾番歡  
讌爲惜幽居夜分看到月眉偃張家寺鐙未斷湖詞



人蹤蹟仙隱同散草沒虛廊星回窳閣卻補玉梅庭  
院桑田自換且吟入新圖豔情誰見輸與徐孃畫簾  
垂更卷李堂西齋云一株楊柳門前徑吟身卻如歸  
燕彫檻回環疏簾掩映可是當年人面登樓乍見早  
憔悴芙蓉鏡奩空展冷入西風不應閒了好池館誰  
知花隱舊築訪煙波觀裏詞客先遠堞隱秋山橋通  
古水聊付蕭疏畫卷他時細翫傍紅燭清尊定添悽  
惋幾杵霜鐘怕驚鴉夢斷項廷紀蓮生云碧雲低蘸  
紅樓影如今倚樓人遠賣酒壚空題詩壁壞零落粉  
匳香梳綠深夢淺恨彈指西風候蛩悽斷莫問南湖

北隅續錄卷下

望

一袈裟地更誰管當時何限俊侶算填詞李十能遡  
權讌巷口斜陽灣頭贖水記與徐孃初見重開畫卷  
認幾曲疏簾那回曾捲柳已無多曉雅嘯到晚湯貽  
汾雨生云南湖舊侶今何在披圖令人腸斷燕幕香  
殘蓮塘日冷寂寞秋孃庭院流年暗換悵宋玉多愁  
吟魂難返一樣飄零翠樓落葉送秋雁揚州無限舊  
雨予晤芝山始於揚州竟紛紛跨鶴飛去霄漢小小眞眞朝朝  
暮暮誰問蓉城近遠浮雲易散趁風月當前酒尊須  
滿莫恨蓬山有時遊汗漫吳振械仲雲云清清冷冷  
備擡眼斜陽半樓紅處記說年時香甜酒嫩儘有銷



魂詞句鶯囀甚苦似怨著湖波送將春去春便重來  
亂花愁踏寺傍路調鉛誰寫尺素有風流老輩多少  
情緒展卷而今絲絲瘦墨算把春痕留住晴絲漫舞  
問翠淺紅深更誰吟佇與年年杏帘鳩咒雨魏謙  
升滋伯云披圖不少鴻泥感依然箇入庭院翠墨題  
襟紅窗命酒轉瞬詞流星散疏簾自捲只樓角明蟾  
夜來曾見一桁遙山城頭無數髻螺滿而今怕尋舊  
蹟但茫茫綠野分付誰管梅嶼樓禽茭田吠蛤摧得  
妝臺夢斷招提近岸儘懺向空王粥魚茶版有客愁  
深怪池潭水淺景謙福泉云恩恩夢影尋無蹟依稀

北隅續錄卷下

四

幾枝衰柳巷尾侵蕪城根繞淥淩倚暮寒羅袖簾前  
垂手聽恰恰囀鶯軟如波溜小筆留香傳觀休視解  
裳友名題華隱堪怪怪花枝有意離了塵垢舞燕慵  
翻雙鴛懶浴化作冷鷗相就鏡殘短漏臙醉墨遺繚  
任人爭購爲問延君此情還記否

謂戴金溪

錢師曾蕙窗

云白蘋門巷來時路簾波近秋涼捲淪茗甌香簪花  
鏡小消盡吟芬紈扇流光暗轉問樓上妝臺影空塵  
絹一樹垂楊舊鳥囀到綠窗換名流歡飲未散記尊  
前落月紅豆清婉幾片閒雲連翻豔雪颺得天涯春  
遠迢迢翠館算鸚鵡還山十郎猶見野水殘陽忍將



圖畫展葛慶曾秋生云鏡臺不鎖葳蕤夢於今畫中  
人杳黃土埋香青山荷插一例古今憑弔吟魂縹渺  
賸樓外垂楊冷煙殘照獨倚無憀春風吹盡鬢絲老  
苔痕三徑未埽憶南湖讌賞幾度會到竹下敲詩梅  
邊擷笛裙屐風流多少鴻泥換了笑我亦移家筆牀  
茶竈回首前塵甚時重去好任遠孫小米云夕陽紅  
到垂楊處依稀一重簾影鏡檻香銷酒壚塵網換了  
西風門徑花晨月暝只水面輕漣舊遊能省見說年  
時納涼池畔綠荷靜閒愁都付畫苑賸蕭疏幾筆鴻  
爪尋更古木鴉嗁荒階蛩訴做得詩情悽冷聲聲喚

北隅續錄卷下

望

醒恁紅粉青衫例隨蓬梗說也無憀把酒拌酩酊方  
騰雲泉云峭風晴捲湖邊雪閒愁與春俱遠燕子懶  
空蘼蕪巷靜零亂翠尊檀版新詞幾卷任花落旂亭  
儘教腸斷澹月疏鐘夜深涼醒舊鷗伴蕭疏不多水  
木任樓頭客好猶是歡讌柳學纖腰山邀淺黛無限  
當年情款晶簾自展只回首萍蹤水流雲散古塔積  
陽豔遊誰更管吳藻蘋香云南湖綠淨無今古年年  
夕陽紅溼賣酒人家試香池館一樣簾波三尺荒涼  
故迹想曲曲闌干玉纖曾拍舊日妝臺杏梁除是燕  
相識袈裟初地又改賸橫枝瘦影吹透鄰笛老去秋



嬖後來詞史畫裏依然帟屐垂楊自碧便唬殺春禽  
不成春色花月滄桑水樓傳賦筆

周宣靈王廟

梅東高橋有周宣靈王廟里人錢養廉貽清堂集里  
中周宣靈王祠與予家比鄰萬厯甲辰以守僧能仁  
輩爲土棍構誣余白之邑大夫得雪因索祠顛末得  
王遺像及所著碑王蓋生宋季憤元亂銳志恢復抑  
鬱以歿其忠誠憤激宜與日月爭光碑載幻蛙事尤  
奇每歲三月三日傳王誕辰蛙於是時倏來倏去光  
彩時異子所親睹豈望帝之魂千載未泯卽題有像

北隅續錄卷下

吳

讚及讀廟碑律詩皆以睢陽血戰武穆精忠爲比而  
萬厯杭府志載於新城縣祠廟中稱爲輔德廟祀宋  
里人周雄歿而爲神屢著靈異康熙仁和志所載同  
畧而不詳惟海甯州志載明沈友儒周宣靈王廟記  
畧侯名雄字仲偉新城淶渚人母汪生迨熙三月四  
日嘉定辛未爲母疾走婺源祈佑五顯回至三衢而  
卒附童言曰五顯靈威需我輔翼生不封侯死當廟  
食衢于是立廟新城繼立旱潦禱之輒應疾疫祈之  
遂痊初稱四七太尉端平二年德興祁門陰捍常山  
土寇饒州表請封劫應將軍嘉熙元年神威揚邊強



敵遠遁兩淮表請加封威助忠翊大將軍追祐四年  
改封翊應侯寶祐五年加封助順咸淳七年加封正  
烈十年加封廣靈舊制神祇封錫自二字至八字止  
侯兼之蓋渥恩也按沈記封號年代較有據而王爵  
加封何時仍未知也陸次雲湖壩雜記周宣靈王睦  
人也以孝子而證神者杭州亦有廟數處有青蛙出  
其廟中人尊之曰青蛙將軍每春月從睦陵附木筏  
至杭駕筏者載之不敢驚蛙陟岸宅廟中或入民室  
民居以盤飾以綵祀以香果導以鼓吹送返廟則得  
福否則殃亦異矣而所聞金溪之蛙更甚異其蛙入

北隅續錄卷下

七

民室民之奉之者與杭同有健兒不之信也以匕首  
剖蛙成兩更投之於沸鑊盈鑊之中蛙無數遂出之  
復成一蛙遁迹去仍見之於廟內宴如也有衲子爲  
之說戒蛙亦聽而點首青蛙與常蛙不甚異而貌加  
端色加碧足非爪也如靈芝聲不可得而聞也不飲  
不食不飢渴洪昉思曰蛙神若此尊之者殆非無故  
今蛙移於金華將軍廟中神通遊戲殊不可測

邱氏喬梓著作

四庫總目南湖紀畧稿六卷邱峻撰峻字晴巖仁和  
人南湖一名白洋池在杭州城北隅宋張俊賜第四



世孫鑑別業據湖之上湖在宅南因名南湖楊萬里  
陸游諸人皆爲之題詠而鑑亦自名其集遂傳爲古  
蹟峻少居其地因采輯宋時志乘及說部文集勒成  
此志按峻乾隆戊寅歲貢有漫畫集珠江集生平最  
愛仇山村詩其所爲絕句幾於神似子永宇星河乾  
隆壬午舉人寬中篤厚行不慚影學文於杭堇浦學  
詩於沈菽林師法克承才名籍甚嘗游大江左右又  
入閩修入閩通志丙戌禮闈報罷  
命大臣選下第舉子有文望者充國子監六堂課士  
官於午門外嚴試得卷十五名 欽定第一授國子

北隅續錄卷下

哭

監學正其後與修 皇朝太學志發凡起例所纂擬  
者居多嘗紀先德言行爲邱宗信譜又南湖有雲涇  
橋述前賢事蹟爲雲涇草堂雜錄其他詩文稿本甚  
富悉燬於火

永豐社

社神舊傳漢定遠侯班氏超侯未嘗至江浙何以祠  
或云社爲演劇者賃居久而不遷社屋日壞演劇者  
鳩貲新之曰吾輩聚班歌舞以資其生神其班姓者  
乎遂奉定遠侯主之齊東野語聊記所聞其地有常  
氏者以右科起家仕於杭爲衛守備饒於財甲第連



雲雄視鄉里子姓名朝字殿颺遂入籍充仁和學生  
家漸中落詩才極雋如西湖柳枝詞云西湖何處占  
春多幾度孤山翠輦過曾染御香袍上色年年  
金縷按笙歌風致絕佳也賦命蹇塞不婚不宦出游  
嶺南歿於萬太守雲潮州官署太守爲之殮葬潮陽  
立案於縣丞奠羈魂亦可稱風義克敦歟

### 吳東昇

兩浙名賢錄吳東昇杭州前衛百戶善楷書杭城十  
門并各公署皆其書額淨慈寺壁書南屏二大字結  
搆尤佳今惟吳山寶成寺後感花巖歲寒松柏四大

### 北隅續錄卷下

吳

字猶存七修類稿云東昇杭前衛人百夫長也頗善  
辭翰年八十臨終作詩曰囑付兒孫送我終衣衾棺  
槨莫豐隆停喪止可經旬外出殯須行徑路中念我  
行藏無大過請僧超度有何功掘坑埋了平生願休  
信山家吉與凶武弁有此可謂難得矣

### 破倉橋

破倉橋咸淳臨安志云小河百萬倉橋在淳祐倉前  
無碑記可按吹劔錄外集云淳祐九年臨安府造百  
萬倉一應客版盡拘定監抽解場劉坦道詰吏曰客  
版每百片將作監臨安府轉運府三處共抽解二十



四片僅餘七十六片若又盡拘買是殺其一家也此必非上意吏遂束手

### 天華寺天甯寺

天華寺在長壽庵之側寺地廣大竹木蕭然左有小池水頗清冽劫後僧伽散去碑碣湮滅考乾隆杭州志天華妙德禪寺在西城以妙總庵華嚴院得一道院基址開建今妙總華嚴已不可考而成化府志云得一道院至正十八年建是得一歸併天華當在明季按錢江釋顯承參學知津載杭州武林門五里天華寺三里天長寺寺爲行腳所投止固當日一大招

### 北隅續錄卷下

辛

提也訪之鄰院云昔有于成禪師傳玉琳國師遺法於此放戒乾隆閒僧了雲紹其宗風廣招瓶鉢千指會食稱化城焉迨咸豐閒天甯寺僧雲修就近駐錫埽殘葺廢思振白業而紅羊劫至矣林桂山一枝嘗有詩曰廢刹傍城闌天華證昔因僧無潭底影佛亦劫餘身叢竹依然翠貞碑久化塵茫茫古綠在風忽動青巾不一里又有天甯寺草營衛志乘失載山門石額題爲嘉慶乙丑重修肇造當在國初也前爲彌勒殿中奉釋迦佛後爲定慧堂旁翼小軒備極幽潔竹柏枇杷皆劫前物堂額乃高茶菴望曾書對之



動感相傳寺舊與戒壇天華同派分流雲修上人薰  
修其中湖郡慎芙卿太史善書法嘗來借榻雲修尤  
相結契云

### 山兒巷

山兒巷不載志乘當因宋吳王府堆山疊石之址得  
名盧代山岱抱經學士之族曾居巷中家藏葡萄藤  
小几舊爲洪昉思所拍曲指痕猶隱隱見焉昉思拍  
曲園毛西河高江村諸巨手俱有題詠梁山舟學士  
跋其後吳穀人祭酒錫麒舊亦居此嘗簡舒古廉紹  
言云君居我巷東望見我家樹三日春雨深相思落

### 北隅續錄卷下

五

花暮蓋古廉居西牌樓也古廉仁和學生一字懋中  
與黃書崖姚春漪項蓮峰吳箬村吳穀人同賦新年  
雜詠其詠門神云有丞兼有尉改換舊時身及第春  
風早充閭繡紱新功名歸片紙門戶傍誰人空作巉  
巖面驚他入室賓後游京師無所遇連蹇以歿詩稿  
零落

### 吳興井

萬厯府志山子巷又名白澤廟巷今皆稱山枝巷中  
有古井石闌鑿吳興井三大字欄脣刻淳熙四年修  
五字李西齋堂梅邊笛譜調臺城路云半泓賸水斜



陽裏依稀故家園圃鬪茗銷寒浮瓜道暑影怯沈沈  
鴛鴦涼殿翠袖想玉虎牽絲力微纖手一葉西風翠  
梧搖落早秋候人閒夢黃梁易醒辨清熙歲月苔蘚  
如繡露溼銀牀煙荒石檻往夕流螢來否滄桑閱久  
漸埋沒寒叢綠蔬盈畝抱甕朝朝白頭來野爰郡文  
學吳冠雲興居斯巷著古城陰草堂詩集中有題斯  
井云偶從古巷汲清泉活火烹生竹徑煙族望是誰  
標井里姓名許我共流傳味添甘冽西湖外款識開  
鐫南宋前不比爭墩留笑柄參寥六一證坡仙丹書  
深刻認分明也似慈恩墻下名豈與靈源通一脈卻  
憑修綆話三生據爲已有終非分聽到人呼暗自驚  
但許瘦瓢時惠餉淡交從此日尋盟

北隅續錄卷下

五

07187





